



**MINISTÉRIO DA ECONOMIA E DESENVOLVIMENTO  
GABINETE MINISTRO EKONOMIA NO DESENVOLVIMENTO**

---

*Membros do Governo maka hau respeita, ONGs, Corpos Diplomáticos,*

*Ba dauluk hau hakarak hatoo hau nia agradecimento tamba ita boot sina bele konvida hau hodi tuir workshop ida nebe organza husi Lao Hamutuk.*

Mudansas klimatikas hanesan inimigo bo'ot ida iha mundu nebe bele afeta ba buat hotu-hotu nebe to'o ikus sei fo impakto ba ita nia moris ho mos ekosistema, infraestrutura, biodiversidade, produsaun agricula ho mos hamosu desastre naturais oin-oin iha mundu. Funu, terorismo, hamlaha hanesan inimigo bo'ot ida iha mundu, maibe ita mos tenki tau iha konsiderasaun katak mudansas klimatikas mos hanesan inimigo bo'ot ida nebe afeita direitamente no indereitamente ba jersaun agora no generasaun oin mai.

Mudansas klimatikas mosu tamba aktividade umanu iha area industria nebe hasai emisaun barak ba iha atmosfera, liu-liu emisaun gas de estufa (green house gases). Alein de emisaun, ita ema nia hahalok nebe estraga qualidade ambiental, hanesan estraga ai horis mos bele hamosu mudansas klimatikas tamba ai horis nia funsaun mak atu absorve fila fali emisaun CO<sub>2</sub> nebe hamosu husi industria ho mos husi actividades seluk tan.

Ezemplo konkritu nebe mosu iha ita nia rai tamba mudansas klimatikas mak hanesan; mudansa iha durasaun tempu udan; lolos iha Timor tempu udan hahu husi fulan Novembru to'o junho, maibe tamba mudansas klimatikas, tempu udan bele hahu iha fulan dezembru no komesa para iha fulan Abril.

Ne'e duni, atu kombate mudansas klimatikas, mundu internasional halo ona akordo internasional ida iha 1992 nebe hanaran konvensaun kuadrus Nasoins Unidas ba Mudansas Klimatikas. Objectivu husi Konvensaun nee mak atu hatun emisaun/mitigasaun ho mos halo adaptasaun hodi asegura sustentabilidade desenvolvimento ekonomia ho mos sustentabilidade ekosistema.

Timor-Leste ratifika tiha ona konvensaun ida ne'e iha tinan 2006 no komesa tama ona iha forsa iha fulan Janeiru 2007. Hahu husi tempu neba, Timor-Leste komesa kompri ona ninian obrigasaun liu husi actividades oin-oin iha nivel nasional ho mos internasional. Iha nivel nasional, ita halo ona projeitu Auto Avaliasaun Capacidade Nasional nebe hetan orsamentu husi Global Environmental Facility (GEF) ho montantes 200,000 USD. Projeitu ne'e kompleta ona iha tinan 2007/2008. Ita mos hetan ona fundus husi GEF hamutuk 200,000 USD atu halo Planu Adaptasaun Nasional (NAPAs). Projeitu ida ne'e hahu tiha ona iha tinan ida ne'e. Projeitu ne'e ninian objectivu mak atu identifika programa prioridade nasional nebe sei hato'o ba Secretariadu UNFCCC atu hetan fundus ba adaptasaun nian iha area relevantes. Alein de ida ne'e, ita mos hetan tan ona orsamentu husi GEF ba projeitu Komunikaun Nasional Inisio (INC)/relatoriu nasional nebe ho montantes 405,000 USD. Ita mos hetan tan fundus adisional ba projeitu ida ne'e husi Governu Australia no UNDP rasik atu bele habiban ita hodi rekolha no analiza dadus

relevantes hodi hatama ba iha Sekretariadu UNFCCC nian. Projeitu INC ne'e foin mak atu komesa.

Iha nivel internasional, ita haruka ita nian negociadores ba mudansas klimatikas sira hodi ba tuir konferensia no enkontrus iha rai liur hodi prepara kona ba akordu iha Copenhagen nian.

Senhoras e senhores,

Atu salva mundu ho ninian ekosistema tomak, mundu internasional halo ona kompromisu ida atu hametin/ hasae adaptasaun, mitigasaun, transfere teknolizia, habelar fundus ho mos kapasitasaun umanus. Konaba adaptasaun, mitigasaun, teknolozia ho mos fundus, membro hotu-hotu halo ona negosiasaun barak kona ba oinsa estabelese kuadrus legais, instituisaun apropriadu ho mos mekanismo ka mata dalan oinsa mak bele fasilita hodi atinzi adaptasaun ho mitigasaun nebe hetan suporta liu husi teknolozia ho finansiamentu. Asuntus hirak ne'e sei halo ka decide iha konferensia das partes ( COP 15) iha Copenhagen, Dinamarga, iha Dezembro oin mai.

- Copenhagen mak sei bele determina oinsa ita bele salvaguarda ita nia planeta no mos sei decide oinsa emissions hira mak nasoins industriais sira tenki hatun hodi nune'e temperature mundial labele sa'e tan to'o graus 2. Enkontrou Copenhagen mak sei decide orsamento hira ho mekanismo oinsa mak nasoins industriais sira fo assistensia finanseirus ho mos assistensia teknolozia ba nasoins kiak no kiik sira hodi halo adaptasaun no mitigasaun ba mudansas klimatikas nia impaktus. Copenhagen mos sei determina hodi halo amandemento ba protokolu Kyoto nebe iha ligasaun ho hatun emisaun husi nasoens desenvolvidos.

Timor-Leste nudar membro ba Konvensaun UNO ba Mudansas Klimatikas ho mos Protokolu Kyoto, Timor Leste iha direitu ba atende enkontru internasional no regional kona ba mudansas klimatikas nebe inisia husi sekretariadu UNFCCC nian nebe regularmente hodi fahe informasaun no experiencia entre nasoens hirak nee.

Hanesan ita hatene, enkontrou sira ne'e barak liu foka ba negosiasoins ba implementasaun husi UNFCCC no mos Kyoto Protocol, tuir prinsipiu "Jeral maibe diferensiasaun iha responsabilidades ho kapabilidades". Negosiasaun sira foka liu ba hatun emisaun/mitigasaun ho aksoins adaptasaun nebe suporta husi teknolozia, assistensia finanseirus ho mos hasae kapasidades tuir mandato Planu Aksaun Bali nebe diside iha Bali iha 2007. Tuir Planu Aksaun Bali katak, membru hotu-hotu konkorda atu hasae no hametin liu tan implementasaun UNFCCC ho dalan nebe sustentabel.

Ne'e duni, atu realiza Planu Aksoins Bali; membru UNFCCC desidi iha Bali hodi forma grupo de trabalho ida nebe hanaran *AD Hoc Working Group* ba aksaun Kooperativu Tempo Naruk iha Konvensaun nia okos, ho mandato atu formula testu nebe elabora husi asuntus nebe mensiona iha leten hahu 2008 no prepara hodi hetan aprovasaun iha COP 15 iha Decembro 2009. Timor-Leste mos haruka ita nia tekniku hodi halo preparaun ba asuntu ida ne'e.

Senhoras e senhores

Iha negosiasaun hirak nebe lao iha rai leur hodi prepara ba Copenhagen, Timor-Leste ninia pozisaun mak hanesan tuir mai ne'e:

1. Nasoins dezvoltados sira tenki hatun sira nia emisaun minimal 45% husi emisaun nebe mak sira hasai iha tinan 1990 no ida ne'e tenki implementa iha 2020, atu bele limita

temperatura la bele sae to'o degraun 2, hanesan IPCC haktuir ona. Sekarik uza konsentrasaun gases de estufas, entaun nasoins industriais sira tenki hatun emisaun 350ppm to'o 450 ppm hodi limita temperatura mundial iha 2020.

2. Timor-Leste la aseita ba ideias sira nebe mosu husi nasoins industriais sira atu troka protokolu Kyoto. Timor-Leste nia pozisaun metin ba halo amandement ba Protokolu Kyoto tuir Artigu 3.9 husi protokolu ida ne'e, laos hamosu protokolu foun iha Copenhagen
3. Fundus ba adaptasaun nasional tenki aumenta no fundus ne'e tenki mai husi fundus publiku husi nasoins industrias sira, laos fundus nebe mak mai husi mekanismu seitor privadu iha rai industriais sira. Fundus sira ne'e tenki ho rposidimentu nebe transparente ho prosidimentu nebe badak "direct Access". Fundus ne'e sei kua husi GDP rai instriais sira ho pursentu 0.5-1.5%, no 70% husi fundus ne'e bele aloka ba iha area adaptasaun.
4. Kona ba teknolozia, Timor-Leste hakarak teknolozia nebe la hamate povu kiik, katak ho folin baratu, no mos Timor-Leste hakarak halo implementasaun ba transfere teknolozia iha rai vulnerable sira du ke halo avaliasaun ba necesidade teknolozia.
5. Kona ba mitigasaun, Timor-Leste bele kumpri Aksaun Apropiadu Mitigasaun Nasional (NAMAs) nebe tau ona iha testu negosiasaun, mai be tenki hetan orsamentu, teknolozia ho mos kapasitasaun husi rai industriais sira.

Maka nee deit hau nia apresentasaun, ba ita boot sira nia atensaun hau hatoo obrigado barak

Saudasoens Ambientais

19 Outubro 2009